



Aqqalu C. Jerimiassen

UPA 2020/168 - 1

Atassut

15/05-20

**Naalakkersuisullu pillugit Inatsisartut inatsisaata allanngortinneqarneranik Inatsisartut inatsisaat, nr. xx, uu. qqqq 2020-meersoq.**

(Inatsisartut Siulittaasoqarfiat)

Inatsisartutut sulinitinni §37 arlalitsigut paasiniagassaqtilluta aaliagiiffissatulluunniit siunnersuutissaqtilluta atorfissaqtittaaqarput, paasisutissanimmik eqqortunik tunuliaquteqarluta siunnersuuteqassagutta, qujagequsaanginnarluta oqalunniangikkutta piummarmullu oqaluttarfimmiik piniangikkuta atorfissaqtilluinnarparput avaqqussinnaanangulu §37 malillugu apeqquteqaateqarneq Naalakkersuisunut.

Siunnersuut paasinarluaraluarpoq arlalitsigullu taperserusunnarfeqarluni, taamaattorli §12 imm.2-mi akissuteqartussaataannnginnermut tunngatillugu erseqqarinnerusumik inissisimasariaqarpoq, assersuutigalugu allaqqatiinnarniaraanni akissuteqarnissamut pisussaataaaffeqanngitsut Naalakkersuisut ataani peqqutigineqartut malillugit, imatut paasineqarsinnaalissammat, taakkua piumasaqaataasut malillugit allassimangikkaanni akissutisinniivissortoqaannarsinnaasorluunniit. Oqaatsit taamaattumik erseqqarinnerusumik inissisimanissaat pisariaqarpoq, imatut paasillugu 8.klassit allaat paasisinnaasassaanik paatsuugassaannngitsumik atornerlunneqarsinnaanngitsumilluunniit allaqqasariaqarput.

Naalakkersuisullumi kissaatigisarpaat Inatsisartut akisussaassuseqarlutik aningaasatigut kingunissai ilanngullugit siunnersuuteqartassasut. Taamatummi Naalakkersuisuniit kissaateqartoqartarmat Inatsisartuniit pisariaqartilluinnarparput apeqqutinut akineqartarnissarput.

Ataatsimiititaliamut oqaaseqatigiit paasiuminarsarlugit sularinissaa innersuunnarpoq, tassuunakkut eqqanaarneqassammat qanoq eqaannerpaamik iluseqalersinnaanissaa.